



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus


Coloniae Agripp., 1623

Medit. 48. De Factis post mortem.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

desideramus, ut Spiritus noster in manus Patris aeterni perveniat: laboremus ne alium habeamus spiritum, quam Christus Filius ipsius, qui cum esset illi gratissimus, non potuit non illum suscipere.

6. Commendanda est anima & spiritus in manus Patris spiritualis, illique amori Christi praestanda obedientia, quemadmodum & ipse obediens fuit, & Spiritum in manus Patris commendavit.



MEDITATIO XLVIII.

DE REBUS, QVAE POST MORTEM SALVATORIS

SECUTAE SVNT.

PVNCTA MEDITATIONIS.

- I. *Ecce velum templi scissum est; terra mota est, & petra scissa, monumentaq; aperta sunt.* Mat. 27
Marc. 15
Luc. 23.
- II. *His visis Centurio ait: Vere Filius Dei erat iste. Et alij spectatores reuertebantur percutientes pectora.*
- III. *Noti autem eius, & mulieres, quae venerant à Galilaea, &c. Stabant à longè hac aspicientes.*

PROPHETIÆ.

ETerit in illa die, dicit Dominus, occidet Sol in meridie, & tenebrescere faciam terram in die luminis. Amos 8.

E

Zac. 14. *Et erit in illa die, non erit lux, sed frigus & gelu, & erit dies una qua nota est Domino, non dies, neque nox, & in tempore vesperierit lux.*

Hier. 6. *Luctum unigeniti fac tibi, & planctum amarum.*

DOCUMENTA.

1. **C**HRIStO Domino cor nostrum aperire, eique in amore & veritate servire debemus, vt sicut ille scindens velum timoris & umbrarum veteris legis, Sanctuarium aperuit: sic nos Thesauros suos aperiat, & secretorum coelestium faciat participes.
2. In morte Christi terra tremuit, petra scissa, mortui resuscitati sunt. Si nos, qui operibus nostris Christum crucifiximus, vera contritione de peccatis non dolemus, nec intimo amore acerbissimis illius poenis compatimur, nec tremendum iudicij diem timemus; petris sumus duriores, terra in sensibiliores, ipsis mortuis mortui magis.
3. Tunc cum turbis crucifigentibus Christum, confitemur Dei filium, & percutientes pectora nostra Ierosolymam redimus, quando de commissis peccatis dolemus, eaque confitemur, vitamque nostram emendamus?
4. Interim dum omnia prosperè Iudæis succedebant, magis contra Christum sauebant. At quando Sol obscurabatur, quando terra tremebat, tunc casum suum animaduvertebant, pectoraque percutientes confiteri eum incipiebant, quem ante spreuerant. O quanto

to

to aduersitas utilior est prosperitate, tribulatio consolatione: quando à Deo flagellamur, duriterque cum asperitate tractamur, tunc maiorem nobis exhibet misericordiam, quam quando tolerat dissimulatque imperfectiones nostras.

5. Amici & noti Christi, in morte stabunt à longè: Spernamus mundum, fallacem & deceptorem, appropinquemus Christo vero & fideli amico: quandoquidem de mundo legitur, eum in periculis necessitatibusque suos deserere, & à longè stare: sed de Christo scriptum est, quod nobiscum fit in tribulatione, nos adiuuet, nos eripiat. Illi stant longè à Christo, qui mortificationem & aliquid pro Christo pati refugiunt, qui se à vita aspera crucisque via retrahunt & abducunt.



MEDITATIO XLIX.

DE LATERE LANCEA

PERFOSSO.

PVNCTA MEDITATIONIS

I. *Iudæi (vt non remaneret in cruce Ioan. 19. corpora Sabbatho) rogarunt Pilatum, vt frangerentur eorum crura & tollerentur.*

II. *Duobus latronibus fregerunt crura.*

III. *IE-*